



Boletin number 2

Fecha importante den e simannan binidero:

11 t/k 15 di òktober	Fakansi di Regata
Djaluna 18 di òktober	Dia di estudio (tur mucha ta liber)

Remplaso di maestronan

Den e period tras di lomba regularmente tabatin maestronan ousente. Algun biaha esaki tabata pa motibu ku e maestronan mester laga tèst nan mes den kaso di síntomanan di fèrkout i en espera di e resultado nan mester keda kas. Esaki por a dura tin biaha dos dia. Semper nos ta purba solushoná e remplaso di manera interno pero tin biaha esaki no ta posibel i e alumnonan tin ku haña un dia liber. Den kaso ku e akohida na kas no ta logra, e alumno por bini skol numa i lo sòru pa e bai sinta den un otro klas riba e dia ei.

Pasaboka salú

Komo mayor bo(so) tin e responsabilidadat pa loke bo ta duna e yu pa bini skol kuné komo pasaboka. Pero nos ke pidi mayor pa por fabor duna e yu awa pa bebe i no tur sorto di bebida dushi. Tampoko nos no ke mira mangel i sakunan di cheps komo pasaboka. Nos lo apresia si huntu nos por yuda stimulá komementu salú.

Transformashon di mesanan di piknik

Durante e fakansi grandi tur e mesanan di piknik riba plenchi bou di dak, a haña un transformashon i aktualmente nan tin tur sorto di pintura bunita riba dje! Masha danki na un i tur ku a kolaborá pa logra esaki.

COVID-19 na skol

Manera ta konosí, e kantidat di kaso riba nos isla ta oumentando atrobe, asina por ta e kaso ku un alumno òf kolega tambe por keda kontagiá. Relashoná ku esaki nos tin kontakto estrecho ku e departamentu di Salubridat Públiko. Pues tene bon na kuenta si bo(so) yu por tin indikashon di keho / síntomanan di COVID-19. E síntomanan por ta:

- Fèrkout (manera nanishi será, nanishi ta kore, nistermentu, doló di garganta)
- Tosamentu
- Kansá
- Temperatura haltu òf kentura
- Pèrdida di holó i / òf sabor diripiente (sin nanishi será)

Den kaso ku e yu por tin un òf mas di e síntomanan akí, nos ta rekomendá boso seriamente pa laga e yu hasi un tèst. Den kaso ku bo(so) tin duda, tuma kontakto via telefon ku e departamentu di Salubridat Públiko via 0800-0800.



Pago di kontribushon di mayor

Nos ker a pidi atenshon pa e pago anual di e kontribushon di mayor. E kontribushon di mayor no ta obligatorio, pero si e ta nesesario pa kubri gastunan di diferente aktividat ku skol no ta haña finansiamentu p'e. E kontribushon di mayor ta bai kompletamente pa benefisio di e muchanan.

Nos ke hasi un yamada pa hasi pago di e kontribushon di mayor boluntario di \$25 pa mucha, pa e aña eskolar 2021-2022. Nos ke pidi pa pasa e suma total riba e number di kuenta di MCB: 111.78.301 na nòmber di Stichting Leren is Leuk, ku komo referensia e nòmber di bo(so) yu(nan) i e grupo.

Aki por mira kua suma di kontribushon ta aplikabel pa bo(so):

- 1e yu na skol \$ 25,00
- di 2 yu na skol \$ 20,00
- di 3 yu na skol \$ 15,00

Si esaki no ta posibel, nos ta brinda e oportunitat pa entregá e sèn den un ènvelòp ku nòmber i grupo di bo(so) yu ariba, entre 4 ku 8 di òktober 2021. Pago di forma ònline tin nos preferensia pa motibunan di seguridat i tambe relashoná ku e situashon di COVID-19.

Un saludo kordial,

Mieke van Vliet i Gerald Kolenbrander
Direktiva di bs De Pelikaan